



Siverth K. Heilmann

UKA 2022/27-1

Atassut

10. November 2022

Utoqqaat pillugit isumalioqatigiissitamik utoqqarnut suliassaqarfimmi suliaqartunik peqataaffigineqartumik pilersitsinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut. Naalakkersuisut utoqqaat pillugit isumalioqatigiissitap kaammattuutai tunngavigalugit utoqqaat pillugit inatsisissaattut siunnersuummik UKA 2024-mi saqqummiussissapput.

(Inatsisartunut ilaasortaq, Mariane Paviasen, Inuit Ataqtigiit)

Siunnersuuteqartoq Mariane Paviasen, Inuit Ataqtigiit, inatsisartunut siunnersuuteqarninnut qujanaq, imatullu Atassummiit oqaaseqarfigissavarput.

Aallarniutigalugu oqaatigerusuppara, inatsisartuni aalajangiinigut naapertorlugit kommunalbestyrelset pisussaaffigisarmassuk, utoqqaat sullinneqarnerannut pitsaanerpaamik sullinneqarnissaannut atatillugit naleqqussaanerit malitsinneqarnissaallu.

Malitassalli ersarissinnaasaraluartut nassuerutigisariaqarparput sullissinerup pitsaanerpaaffissamiitsinnissaanut ajornartorsiuteqarneq, kommuune-ni tamani assigiinngitsutigut peqquteqarsinnaasarmata. Utoqqaat illuliornissanut, sapinnginnerusut inigisassaannut sanaartornernut aningaasassaaleqinerit, sulisussatigullu amikkisaarnernik. Sulisutigut aalajaatsut pikkorissunillu pigisaraluaaanniluunniit soraartoqartillugu paarlagaannerujussuup kingunerisaannik ajornartorsiutit il. il. siunnersuuteqartumit tkinneqareersut paasinarluarput.

Nunatsinni qujanartumik utoqqaat peqatigiiffippassuaqarpoq kattuffeqarlutillu, taakkuuppullu aamma sulilluaraluartut peqquteqartumik taarserartuurtuusut. Utoqqaat illersuisuini sullissineq pitsaagaluqisoq, taamaakkaluartoq angalasoqartarnerminni sullinneqartarnermik naammaginangitsunik misigisakkanik oqariartuutigineqartartut ilisarnarluartut qinikkanut apuunneqartuarput.

Nammineq aggerfinniik kommunalbestyrelse-mi ilaasortatuut uppersaannarsinnaavara, utoqqaat pisortanut sullinneqarnissaminnik pitsaanerususumik ujartuisaraluarnerminnik akineqartannginnertertillu pissutigalugu, qinikkatut saaffigisarpaatigut. Ajoraluartumilli naqitanngorlugit saaffiginnisutigisakkagut aamma tamatigut akineqarneq ajorput.

Utoqqaat illuini, utoqqaat inuunermi sinnerani toqqissillutik najugaqarnissaat pingaarteqalugu, peqqinnissaqarfimmiillu minnerpaamik ilinniarsimasumik sygeplejerske-mik suleqateqarluarnissaq angusimavarput. Ukiulli ingerlanerini inuusooqisunik peqquteqarlutik inissisimasalernerat kiisalu puigortunngorsimasut ikiliartunngitsunut, utoqqaat toqqissillutik ineqarnissaannut pissutsit allanngoriartorput. Taamaattumik pisortat sanaartoqqinnissanut aningaasaliinerunissanullu pisussaaffeqarnerput avaqqussinnaanngilarput.

Utoqqaat qujanaqisumik inuuneqqortusiartorpuqut aammalu namminerisamik illoqaraluarluni angerlarsimaffimmi ikiorteqarsinnaatitaanerup atorluarneqarsinnaanera periarfissaavoq, taamaattorli ukiuunerani apisarneranilu nivassunneqartarnissaminnik ikiorneqarnissaminnillu kissaateqartartut ikinngillat.

Siunnersuuteqartup tunngavilersuutimini tikkuartugai kiisalu Naalakkersuisut akissutiminni ilisarnartorpassuit naleqqussaaqqinnissamillu imaqtat tunngaviatigut Atassummiit isumaqatiginarput aammalu Naalakkersuisut UPA 2024-mut siuartillugu allannguuteqarnissamik siunnersuuteqarnerat taperserparput.

Taamatut Atassummiit oqaaseqarluta, suliap aappassaaneerneqartigani ataatsimiititaliamut susaqqartumut ingerlateqqaarneqarnissaa inassutigaarput.

Qujanaq.